

Foreldrafélag Hofsstaðaskóla

Aðalfundur 30.maí 2006

Skýrsla stjórnar

Á aðalfundi í lok maí 2005 bauð enginn sig fram í foreldrafélagið og því sat áfram sama stjórn: Ásdís Olsen, Ásgeir Kristján Ólafsson, Brynja Laxdal, Guðrún Gerður Steindórsdóttir, Joost Van Erven og Kristbjörg Ágústsdóttir. Í október 2005 baðst Ásdís undan frekari setu og Guðrún Rósa Sigurðardóttir kom ný inn.

Stjórnarfundir:

Stjórnin skipti með sér verkum á eftirfarandi hátt:

Kristbjörg Ágústsdóttir, formaður
Joost van Erven, gjaldkeri
Brynja Laxdal, ritari
Guðrún Gerður Steindórsdóttir, meðstjórnandi
Ásgeir Kristján Ólafsson, meðstjórnandi
Guðrún Rósa Sigurðardóttir, meðstjórnandi

Haldnir voru níu stjórnarfundir í vetur þar sem farið var í ýmis mál og uppákomur skipulagðar. Fyrsti fundurinn var haldinn um miðjan september þar sem lögð voru drög að starfsemi vetrarins. Fundargerðir má finna á heimasíðu foreldrafélagsins.

Aðrir fundir:

Kynningarfundur fyrir foreldra nemenda í 1.bekk var í september og þá voru kosnir bekkjarfulltrúar í þeim árgangi. Var félagið kynnt og farið yfir hlutverk þess.

Tveir fulltrúaráðsfundir með bekkjarfulltrúum voru haldnir á skólaárinu, einn á haustönn og einn á vorönn. Farið var yfir bekkjarstarfið og komu bekkjarfulltrúar að ákvörðunum í nokkrum málefnum.

Í vetur voru starfandi sex nefndir: vorfagnaðarnefnd, laufabrauðsnefnd, tómstundar- og matarmálanefnd, umferðar- og samskiptanefnd, öskudagsnefnd og tækjasjóðanefnd.

Samráðsfundir foreldrafélags, foreldraráðs, skólastjórnenda og kennararáðs voru tveir á þessum vetri, einn á haustönn og einn á vorönn. Var meðal annars fjallað um matarmál, eineltisáætlun, félagslíf, stærðfræðinám, lóðamál og sameiginlegt fréttabréf, svo eitthvað sé nefnt.

Svæðaráð foreldrafélaga og foreldraráða í grunnskólum Garðabæjar héldu mánaðarlega fundi í vetur, en í því sitja formenn félagana. Þessi vettvangur hefur reynst mjög heillavænlegur og hefur styrkt til muna stöðu foreldra barna í Garðabæ og á eftir að vera sameiginleg rödd okkar í náinni framtíð.

Fulltrúi úr foreldrafélaginu sat einnig undirbúningsfund með fjölskyldudeild kirkjunnar varðandi tómstundastarf á starfsdegi kennara 21. febrúar.

Einnig voru smærri fundir með deildarstjórum og skólafyrirvöldum vegna sérstakra málefna.

Félagsstarf:

Foreldrafélagið hefur hvatt til öflugs félagsstarfs innan bekkjanna og hefur í þeim flestum tekist vel til. Í nokkrum bekkjum hafa verið vinahópar starfandi og hafa bekkjarfulltrúar verið virkir í sínu starfi.

Heimasíða félagsins hefur verið uppfærð og hefur Kristbjörg Ágústsdóttir staðið að því með aðstoð Elísabetu Benónýsdóttur hjá skólanum og á hún þakkir skildar.

Laufabrauðsdagur var haldinn 26. nóvember og mætti fjöldi nemenda ásamt fjölskyldum. Steikt voru yfir 1200 laufabrauðskökur og gekk dagurinn í alla staði vel fyrir sig. Afgangur var gefinn til dvalarheimilis aldraðra í Holtsbúð.

Þann 19. desember var staðið fyrir pakkasöfnun þar sem nemendum og fjölskyldum gafst tækifæri til að koma með gjafir og pakka þeim inn og fór foreldrafélagið svo með pakkana undir jólatré Mæðrastyrksnefndar í Kringlunni. Nokkuð barst af þökkum en talið er að þessi uppákoma geti átt heima á laufabrauðsdeginum.

Í ár var haldinn sameiginlegur fræðslufundur með öllum foreldrafélögum grunnskóla Garðabæjar í félagsheimili Vídalínskirkju. Fundurinn bar yfirskriftina „SAM kvöld“ og var þar verið að vísa til orða sem byrja á „sam“ eins og samvera, samábyrgð, samfélag, samtal og samskipti. Fyrirlesarar voru sr. Jóna Hrönn Bolladóttir, Páll Ólafsson félagsráðgjafi og Margrét Pála skólastjóri Hjallastefnunnar. Fundurinn var vel sóttur en talið var að um 130 foreldrar hafi mætt. Fyrirlestrarnir voru góðir og áhugaverðir og þörf áminning um það stöðuga starf sem uppeldi er. Úrdrátt úr fyrirlestrunum má finna á heimasíðu foreldrafélagsins.

Vorfagnaður Hofstaðaskóla var haldinn á Uppstigningardag, 25 maí í blíðskapar veðri. Mikið kuldakast var fyrr í vikunni og voru gerðar ráðstafanir með að flytja öll skemmtiatriði inn í sal en svo þurfti að smala fólki inn úr góða veðrinu. Hátíðin var með hefðbundnu sniði, boðið upp á leiktæki frá skátunum, veltibíl og grillaðar pylsur. Skemmtiatriði komu frá nemendum í 7. bekk og frá leikhópi Garðalundar sem voru að sýna Draum á Jónsmessunótt í Garðaskóla. Síðastur á sviðið steig svo Idolstjarnan Alexander Aron.

Joost van Erven bar höfuð og herðar í skipulagningu dagsins og á hann hrós skilið fyrir frábærlega unnið starf. Bekkjarfulltrúar fá einnig bestu þakkir fyrir aðstoð. Góð mæting var á hátíðina og má sjá myndir á heimasíðu foreldrafélagsins.

Mjög gott samstarf hefur að venju verið við stjórn foreldraráðs Hofstaðaskóla og sameiginlega hefur verið þrýst á um ýmis málefni er varða velferð nemenda.

Foreldrafélagið kom að uppákomum í skólanum í samstarfi við hann. Á jólaskemmtun yngri deilda skipulagði félagið komu jólasveinsins og á öskudag sá það um diskótekið Dísu. Einnig sá stjórn foreldrafélagsins ásamt bekkjarfulltrúum um val á ljósmyndara í bekkjarmyndatökum.

Lokaorð:

Nú líður að lokum þessa skólaárs og hefur starfsárið verið farsælt og mikið að gerast. Þetta var fyrsti veturinn með skólaflíspeysum og verður ekki annað sagt en að vel hafi tekist til því mikill fjöldi barna notar peysurnar. Einnig voru settar upp öryggismyndavélar en það hefur verið sérstakt baráttuefni foreldrafélagsins í langann tíma.

Verið er að staðfæra handbók í samstarfi við foreldraráðið sem mun gera starf félaganna mun auðveldara sem og starf bekkjarfulltrúa og fulltrúa í nefndum. Þar munu til dæmis vera lög félagsins, markmið og leiðir, verksvið, starfsáætlun, starfsreglur og erindisbréf nefnda svo eitthvað sé nefnt. Einnig eykur handbókin aðgengi foreldra, skólastjórnenda og skólafyrvalda að upplýsingum um starfsemi félagana. Handbókin verður aðgengileg á heimasíðu skólans.

Margt hefur verið gert til fróðleiks og skemmtunar fyrir börnin okkar og enn á ný höfum við í foreldrafélaginu upplifað frábært samstarf við stjórn skólans og kennara. Það er einstakt að eiga jafn góðan aðgang að skólanum einsog við foreldrar höfum og það er okkur mikill styrkur. Viljum við þakka stjórn skólans, kennurum og öðru starfsfólki fyrir gott samstarf í vetur.

Í vor hverfur Þorgerður Anna Arnardóttir deildastjóri yngri deilda til annarra starfa og vill stjórn foreldrafélagsins þakka henni fyrir gott samstarf og óska henni velfarnaðar í nýju starfi.

Að lokum þökkum við foreldraráðinu og bekkjarfulltrúum fyrir samstarfið í vetur.

Garðabær, 30. maí 2006
fyrir hönd stjórnar foreldrafélagsins
Kristbjörg Ágústsdóttir,
formaður foreldrafélagsins